



অবিলম্বে প্রকাশের উদ্দেশ্যে: 2/10/2020

গভর্নর অ্যাল্ডু এম. কুওমো

গভর্নর কুওমো নিউ ইয়র্কবাসীকে নভেল করোনাভাইরাসের সর্বশেষ তথ্য সম্পর্কে জানালেন

*নিউ ইয়র্ক রাজ্যে এখন অবধি কোনো নিশ্চিত করোনাভাইরাসের দৃষ্টান্ত পাওয়া যায়নি*

গভর্নর অ্যাল্ডু এম. কুওমো আজ নিউইয়র্ক স্টেটে নভেল করোনাভাইরাস না থাকার পক্ষে আরও বাড়তি ফলাফল পাওয়ার বিষয়ে জানিয়েছেন। নিউ ইয়র্ক স্টেটের স্বাস্থ্য দপ্তর (New York State Department of Health) পরীক্ষার আরেকটি নেগেটিভ ফলাফলের কথা জানতে পারল, যেটির মাধ্যমে স্টেট জুড়ে এখন পর্যন্ত নেগেটিভ হিসেবে আসা মোট নমুনার ফলাফল হল 22টি। আজ পর্যন্ত নিউ ইয়র্কবাসীদের 23টি নমুনা পাঠানো হয়েছে সেন্টার ফর ডিজিজ কন্ট্রোল অ্যান্ড প্রিভেনশনে (Centers for Disease Control and Prevention, CDC) পরীক্ষার জন্য। এগুলোর মধ্যে, নেগেটিভ ফলাফল এসেছে 22টির। নিউ ইয়র্ক সিটির একটি নমুনা এখনও পর্যন্ত অনিশ্চিত অবস্থায় রয়েছে; নিউ ইয়র্ক সিটির বাইরে নিউ ইয়র্ক স্টেটে অনিশ্চিত কোনো নমুনা নেই। নিউ ইয়র্ক রাজ্যে এখনো কোনও নিশ্চিত নভেল করোনাভাইরাসের ঘটনা নেই।

"আমরা এই ভাইরাস থেকে নিউ ইয়র্কবাসীকে রক্ষার প্রয়োজনীয় প্রতিটি সতর্কতা অবলম্বন করে যাচ্ছি," **গভর্নর কুওমো বলেন।** "নিউ ইয়র্ক স্টেটে এখনও পর্যন্ত ভাইরাসের কোনও নিশ্চিত ঘটনা পাওয়া না গেলেও, আমি সবাইকে নিয়মিত হাত ধোয়া এবং অসুস্থ ব্যক্তিদের সাথে ঘনিষ্ঠ যোগাযোগ এড়ানোর মত সাধারণ জ্ঞান সাবধানতা অবলম্বন চালিয়ে যেতে অনুরোধ করছি।"

স্বাস্থ্য দপ্তর ফেডারেল, রাজ্য ও স্থানীয় পর্যায়ে তার অংশীদারদের সাথে ঘনিষ্ঠভাবে কাজ করছে এই ক্রমাগত বিবর্তনশীল স্বাস্থ্য সংক্রান্ত জরুরী অবস্থা নিয়ে। এখন যখন মার্কিন ফুড অ্যান্ড ড্রাগ অ্যাডমিনিস্ট্রেশন (U.S. Food and Drug Administration) সেন্টার ফর ডিজিজ কন্ট্রোল অ্যান্ড প্রিভেনশনের ডায়গনস্টিক টেস্ট ব্যবহারের জন্য রাজ্যকে অনুমতি দিয়েছে, নিউ ইয়র্ক স্টেট ডিপার্টমেন্ট অব হেলথের ওয়াডসওয়ার্থ সেন্টার (Wadsworth Center) করোনাভাইরাস টেস্টিং বাস্তবায়নের জন্য কাজ করছে। ওয়াডসওয়ার্থ সেন্টার, যা অসংখ্য জনস্বাস্থ্য জরুরী অবস্থার পুরোভাগে আছে যেমন ভেপিং সম্পর্কিত অসুস্থতা, SARS এবং সিন্বেটিক ক্যানাবিনয়েড, তাদের পরীক্ষা শুরু করার আগে সঠিক যাচাইকরণ প্রোটোকল সম্পন্ন করতে হবে।

বর্তমানে নভেল করোনাভাইরাসের জন্য কোন টিকা না থাকলেও, প্রাতিজ্ঞিক রক্ষণায়ুক পদক্ষেপগুলি এটি এবং অন্যান্য শ্বসন সংক্রান্ত ভাইরাস ছড়িয়ে পড়া বন্ধ করতে পারে:

- অন্তত 20 সেকেন্ডের জন্য সাবান এবং জল দিয়ে প্রায়ই হাত ধোবেন। যদি সাবান এবং জল না পাওয়া যায়, তাহলে অ্যালকোহল ভিত্তিক হ্যান্ড স্যানিটাইজার ব্যবহার করুন।
- আপনার চোখ, নাক, মুখ না-ধোয়া হাত দিয়ে ছোঁবেন না।
- অসুস্থ ব্যক্তিদের সাথে ঘনিষ্ঠ যোগাযোগ এড়িয়ে চলুন।
- অসুস্থ হলে বাড়িতে থাকুন।
- আপনার কাশি বা হাঁচি টিস্যু দিয়ে ঢাকুন, তারপর টিস্যুটি আবর্জনায়ে ফেলে দিন।
- প্রায়শই স্পর্শ করা হয় এমন বস্তু এবং পৃষ্ঠতল পরিষ্কার এবং জীবাণুমুক্ত রাখুন।

যে সকল ব্যক্তি উপসর্গ অনুভব করেছেন এবং হয়তো উদ্বেগের এলাকায় ভ্রমণ করেছেন, অথবা কারো সংস্পর্শে এসেছেন যিনি এই এলাকায় ভ্রমণ করেছেন, তাদের উচিত তাদের স্বাস্থ্য পরিচর্যা প্রদানকারীকে আগে কল করা তাদের কাছে চিকিৎসার জন্য উপস্থিত হওয়ার আগে। এছাড়াও, ডিপার্টমেন্টের একটি [উৎসর্গীকৃত ওয়েবসাইট](#) রয়েছে যেটি নিউ ইয়র্কবাসীর জন্য আপডেট তথ্য থাকা একটি সংস্থান হিসাবে তৈরি করা হয়েছিল।

নিউ ইয়র্কবাসীরা 1-888-364-3065-এ রাজ্য হটলাইনে কল করতে পারেন, যেখানে স্বাস্থ্য দপ্তরের বিশেষজ্ঞরা নভেল করোনাভাইরাস সংক্রান্ত প্রশ্নের উত্তর দিতে পারেন। এছাড়াও, ডিপার্টমেন্টের একটি [উৎসর্গীকৃত ওয়েবসাইট](#) রয়েছে যেটি নিউ ইয়র্কবাসী দের জন্য আপডেট তথ্য থাকা একটি সংস্থান হিসাবে তৈরি করা হয়েছিল। বিভাগটি করোনাভাইরাস বিষয়ক দুটি জনসেবা ঘোষণা (PSAs) চালু করেছে, [একটিতে রয়েছে স্টেটের স্বাস্থ্য কমিশনার ডাঃ হাওয়ার্ড জুকার](#) এবং [আরেকটিতে রয়েছে সাধারণ তথ্য](#), যা একাধিক ভাষায় স্টেট জুড়ে চলছে।

###

অতিরিক্ত তথ্য পেতে দেখুন [www.governor.ny.gov](http://www.governor.ny.gov)  
নিউইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)